


11. Ordenantza Fiskala

Udal zerbitzuen tasa eta prezio publikoetako hobari arautegia



Usurbilgo Udala

11. Ordenantza fiskala. Udal zerbitzuen publikoen tasa eta prezio publikoetako hobari arautegia.

I. XEDAPEN OROKORRAK

1. artikulua. Xedea.

Arautegi honen xede da Usurbilgo udalerrian tasa eta prezio publiko bidezko zerbitzuak jasotzen dituzten pertsonen izan dezaketen hobariak jasotzeko baldintzak arautzea.

2. artikulua. Zein zerbitzuri aplikatzen zaion

Tasa eta Prezio publikoen hobari ordenantza, honako zerbitzu hauetan aplikatuko da:

* 6. ordenantza. Zerbitzu Publikoak eskaini eta Jarduerak burutzeagatik Tasak.

A. Ur Hornidura Zerbitzua.

B. Hondakin bilketa eta Tratamendua.

1.1. Tarifa Finkoa.

1. Etxebizitzak.

E. Hileta Zerbitzuak.

Ehorzketak eta hobitik ateratzea, panteoikoak izan ezik.

* 7. ordenantza. Udal Jabetza erabiltzeagatik Tasak.

I. Udal baratzen erabilera.

* 8. ordenantza. Zerbitzuak eskaini edo udal jarduerak burutzeagatik prezio publikoak arautzen dituenak.

B. Udal Kirol Instalazioak.

B.1) Oiardo Udal Kiroldegia.

— Abonuak.

— Ikastaroak.

C. Haurreskolaren Hezkuntza Zerbitzua.

I. Udajolas Udaleku irekiak.

II. BALDINTZAK

3. artikulua.

1. Bizikidetzta-unitateari eragiten dion edozein errolda alta edo baja berri guztiak hobaridun izateko baldintzak aldatu ditzaketenez, udal-erregistroan komunikatuak izan beharko dira eskaera-orria berriro aurkeztuz.

2. Bizikidetzta-unitate gisa ulertuko da 18/2008 Legea, abenduaren 23koa, Gizarteratzeko eta Diru Sarrerak Bermatzekoak 9. artikuluan xedatutakoa.

4. artikulua. Baldintza Ekonomikoa.

1. Ordenantzaren onuradun izateko, bizikidetzta-unitateek honako urteko diru-sarrera mugak izango dituzte:

Bizikidetzta-unitateak	Hobaria		
	% 90	% 75	% 50
1	<17.464	17.464 – 19.845	19.846 – 23.814
2	<22.861	22.861 – 25.878	25.879 – 31.117
3	< 24.925	24.925 – 28.418	28.419 – 34.133
4 edo +	< 26.830	26.830 – 30.641	30.642 – 36.674

2. Urteko diru-sarrera gisa bizikidetzta-unitateko kide guztien urteko PFEZ aitopeneko oinarri zergagarria hartuko da kontutan aurkezteko epean balego eta aurkeztu beharreko azkena epea irekita ez balego.
3. PFEZ aitopena aurkeztu ez bada, orduan, azken urte naturaleko etekin gordinak (nominak, ondasun-sarrerak,...) hartuko dira kontutan. Horrekin batera lan bizitza agiria ere aurkeztu beharko da.
4. Onuraduna edota bizikidetzta-unitateko beste edozein pertsonaren kontuen saldoak ezingo dute guztira 30.000 euro gainditu.
5. Onuradunek ezingo dute bide exekutiboan ordainagiririk izan eskaria betetzeko orduan. Egoera horretan baleude 10 eguneko epea dute egoera zuzentzeko.
6. Agiriak zehaztutako epeetan ez aurkezteagatik eskaria ezetsia izango da. Eskaria ezesteak hobarien onuradun izateko eskubidea ukatzea eragingo du urtebetez.

5. artikulua. Ondasun Baldintzak.

1. Ohiko etxebizitzaren katastroko balioak ezingo du 165.000 euro gainditu.
2. Bizikidetzta-unitateko onuradunek ezingo dute bigarren etxebizitza jabetzan izan. Etxebizitzaren jabe ulertuko da % 50aren edo gehiagoren jabea bada.

6. artikulua. Erabilera egokiak.

1. Ur kontsumoa arduratsua izan beharko du eta hiruhileko bakoitzean ezingo da pertsonako 11 metro kubikotik gorako erabilera gainditu. Honako salbuespen hauek izango dira:

Matxura gertatu dela frogatzen bada, ez da eskubidea galduko, beti ere, dagokion teknikariaren txostenak matxura izan dela ebazten badu eta onuradunari egozten ez badio ardura.

Kontsumo muga horretatik gorakoak erabilera desegokitzat hartuko dira.

2. Usurbilgo udalerrian hondakinak bildu eta tratatzeko zerbitzua arautzen duen Ordenantzaren II. kapituluan xedatutako arau-hausterik balego erabilera desegokitzat hartuko da.
3. Kiroldagiko ikastaroetan, udajolasen eta haurreskolan izen emanda, ikastorduen % 20 baino gehiagora justifikatu gabe falta bada onuradunen bat 16 urtetik gorakoetan edota % 30 baino gehiagora 16 urte eta beherakoetan, erabilera desegokitzat hartuko da. Zerbitzuaren ardura duen sailaren txosten teknikoaren bidez egiaztatuko da.

7. artikulua. Hobarien metaketa.

1. Ordenantza honetan xedatutako hobariak ez dira metatuko beste edozein motatako hobariarekin. Edozein kasutan, subjektu pasiboak harentzat onuragarriena den hobaria aukeratu ahal izango du.

8. artikulua. Kudeaketa.

1. Hobaria jasotzeko, subjektu pasiboak eskari-orri normalizatua egoki bete beharko du erregistroan, www.usurbil.eus webgunean edota 39/2015 Legeak zehaztutako modu eta tokietan.
2. Eskaria ordezkari batek aurkeztutako kasuetan ordezkartzaren agiriak aurkeztu beharko ditu. Eskaria ordezkariak aurkeztuta ere, bizikidetzaren unitateko kide guztiek izenpetua egon beharko du.
3. Eskaria egoki bete gabe badago edo agiriak falta badira 10 laneguneko epea izango du eskatzaileak gabeziak betetzeko jakinarazten zaion egunaren ondoren.
4. Udal-erregistroko langileek eskaria egoki bete izan dela egiaztatzen dutenean Zergabilketa atalari igorriko diote espedientea.
5. Zergabilketako langileek, herritarrak eskari-orrian aurkakotasunik adierazi ez badu, honako datuok egiaztatuko dituzte datuen arloko bitartekotzako plataformatik eta beste administrazioetatik.

— PFEZ. Urteroko aitorpen laburtua.

-- Katastroko zuzendaritza nagusia: Katastroko datuen kontsulta.

— Kontu-mailaren kontsulta

-- EAEko udalak: Bizikidetzaren unitatearen errolda data jakin batean

Hala ere, egiaztatze horri uko egiteko aukera izango du eskatzaileak. Kasu horretan, bizikidetzaren unitatearen egoera ekonomikoari dagokion dokumentazioa aurkeztu beharko du eskatzaileak.

Eskatzailearen batek aurkezten duen identifikazio agiri bakarra pasaportearen denean, udalak interoperabilitate bidez informazioa jasotzeko ezintasuna duenez, baldintza gisara jarritako agiri guztiak aurkeztu beharko ditu eskariarekin batera.

6. Ebazpena eman den eguna hartuko da erreferentzia gisa hobariaren onuradun izateko ondorioetarako.
7. Subjektu pasibo onuradunek behartuak egongo dira hobaria jasotzeko baldintzei eragiten dien edozein aldaketa fisiko, ekonomiko edo juridiko komunikatzera. Hala ere, udalak urtero berrikusi ahal izango ditu onuradunaren betebeharrak egokiak direla.
8. Subjektu pasiboaren egoera aldaketagatik hobariaren onuradun izateari utzi edo ehuneko aldaketan bada, egoera berria ebazpen datatik aurrera izango da indarrean.

9. artikulua. Subjektu Pasiboak.

1. Udalaren zerbitzuaren onuradunak izango dira subjektu pasiboak. Hauen ordezkari izango dira, ordea, etxebizitzetako jabeak 6. ordenantzako A, B eta C tasatan. Subjektu pasibo izateko udalean erroldatuta egon beharko du eskaria egiten duenean.

10. artikulua. Aurkeztu beharreko agiriak.

1. Eskaera-orri normalizatuak www.usurbil.eus webgunean eta erregistro orokorrean egongo dira eskuragai. Eskaerak telematikoki edo erregistroan aurkeztuko dira eta Zergabilketa atalari zuzenduko dira.
2. Kontsulta egiteko baimenik eman ezean, bizikidetzaren unitatearen egoera ekonomikoa egiaztatzen duten dokumentuak aurkeztu beharko ditu eskatzaileak.
3. Hala badagokio, ordezkartzaren agiria.

11. artikulua. Indarraldia.

1. Hobaridun egoera ebazpena ematen den egunetik aurrera izango du indarra. Hiru hileroko likidazioen kasuan hurrengo hiru hilero osotik aurrera aplikatuko da. Kiroldegiko urteko abonamenduen kasuan hurrengo urtarilaren 1etik aurrera. Ez da urtero berri beharko baina edozein aldaketa komunikatu beharko da. Udalak urtero berrikusi ahal izango ditu hobaridunaren egoera ofizioz.

12. artikulua. Eskubide galera.

1. Bizikidetza-unitateko kide guztiei hurrengo 2 urtetan hobaria jasotzeko eskubidea ukatuko zaie honako kasu hauetan:

— Ordenantza honetako 6. artikuluan xedatutako erabilera egokiak ematen ez badira, erabilera desegokiak eman diren tasari eragingo dio soilik.

— Udalaren ofiziozko berrikuspenaren ondorioz ebazten bada onuradunak hobariak jasotzeko baldintzak betetzen ez dituela eta edozein aldaketaren komunikaziorik egin ez dela, subjektu pasiboari egotzi daitekeen kasuetan.

IV. AMAIERAKO XEDAPENA

Ordenantza hau 2025ko urtarrilaren 1ean sartuko da indarrean, eta indarrean egongo da aldatzea edo indargabetzea erabakitzen den bitartean.